

## Бемор кўргани борган одамга жаннатдан бир боғ ато қилиниши



11:33 / 21.07.2024 1641

هُلِّلَا يَضَرَّ عَرِيْرُهُ يَا بَأْنَ ع  
هُلِّلَا يَلَّصَّ يَا بَنَّ لَانَع ، هُنَّ ع  
قَح : لَأَقَمَّ لَسَوِ هِيَلَع  
مَلْسُمُ لَأ يَلَع مَلْسُمُ لَأ

عَدَايَ غَوْ، مَالٌ سَلَا دَرٌ، سَمَخٌ  
، زِيَّانَجَلَا عَابَاتَاو، ضَيْرَمَلَا  
تَيْرِمَشَاتَو، عَوَّ دَلَا ةَبَا جَاو  
. ةَسَمَخَلَا هَاوَرِ، سَطَاغَلَا

Абу Хурайра розияллоху анхудан ривоят қилинади:

**«Набий соллаллоху алайҳи васаллам:**

**«Мусулмоннинг мусулмондаги ҳаққи бештадир: саломга алик олиш, беморни кўриш, жанозага эргашиш, даъватига жавоб бериш ва акса урувчига яхшилик тилаш», дедилар».**

*Бешовлари ривоят қилганлар.*

Шарҳ: Ушбу ҳадиси шарифда зикр қилинган нарса беморни кўришдир.

Бемор бўлган мусулмоннинг бошқа мусулмонлар устидан ҳаққи бор. У ҳам бўлса, улар келиб, беморни зиёрат қилиб, кўнгил сўраб, ҳаққига дуо қилиб кетишлари экан.

Ушбу ҳадиси шарифнинг ҳукмига биноан, бемор бўлган мусулмон ҳақида хабар эшитган бошқа мусулмонлар уни бориб, кўришлари бемор олдидаги бурчлари ҳисобланар экан. Шунинг учун ҳам қайси бир дин қардошимизнинг бемор бўлганини эшитсак, уни кўргани боришга шошилишимиз лозим. Ўша биродаримизнинг биздаги ҳаққини адо этишимиз уни бориб кўриб, кўнгил сўраб, ҳаққига дуо қилишимиз билан бўлади.

، ةَتِخَافُ يَبَانُ بَرِي وَتُ نَع  
هُنَعُ هَلَلَا يَضَرُّ هِيَبَانَعُ

بَلِّغْ يَدِي بِرُيْلَعِ دَخَّ أَلِّقَ  
نَسَخْ لِي لِي أَنْ بَقْلَطْنَا  
أَبَا هَذَنْعَ أَنْ دَجَّ وَفُ، هُدُوعَنْ  
هَيْلَعِ رُيْلَعِ لِّاقَفِ، يَسُومُ  
أَبَا أَيَّ تَيْجِ أَدِيَّاعَا؛ مَالِّسْ لِي  
أَلِّقَ لِّاقَفِ؟ أَرِيَّازُ مَأْ يَسُومُ  
رُيْلَعِ لِّاقَفِ، أَدِيَّاعُ لَبِ  
يَلِّصْ هَلِّ لِي لِي لِي وَسَرُّ تَعَمَّسْ  
أَمُّ لِي لِي قِي مَلِّسْ وَهَيْلَعُ هَلِّ لِي  
هَدُوعُ أَمِّ لِي سُمُّ دُوعِي مَلِّسْ مَن  
فَلِّ أُنُوعُ بَسْ هَيْلَعِ يَلِّصْ أَلِّ  
هَدَاعُ نِيَّوِ، يَسُومِي يَتَّحِ كَلِّمِ  
هَيْلَعِ يَلِّصْ أَلِّ هَيْشَعِ

# يُتَحَكَّمُ فَلَا نُؤْغَبُ سِ ي فُفِي رَخْ هَلْ نَأْكَوْ حَبْصِي وَبَأُوْ ي ذِمَّرْتَلَا هَأَوْرِيَّةٌ نَجْلَا دُوَادُ

Тувайр ибн Абу Фохитадан, у отасидан ривоят қилади:

**«Али қўлимдан ушлаб: «Юр, Ҳасанни кўриб келамиз», деди. (Бориб), унинг олдида Абу Мусони кўрдик. Бас, Али: «Эй Абу Мусо, кўргани келдингми, ёки зиёратгами?» деди.**

**«Йўқ, кўргани келдим», деди Абу Мусо.**

**«Расулуллоҳ соллаллоҳу алайҳи васалламнинг «Бир мусулмон бемор мусулмонни эрталаб бориб кўрса, албатта, унга кечгача етмиш минг фаришта саловот айтади. Агар беморни кечқурун бориб кўрса, албатта, унга етмиш минг фаришта эрталабгача саловот айтади. Ҳамда унга жаннатда бир боғ бўлади», деганларини эшитганман», деди Али».**

*Термизий ва Абу Довуд ривоят қилганлар.*

Ушбу ривоятдан бир неча фойдалар оламиз:

1. Бемор кўргани борганда бошқа одамни ҳам таклиф қилиб, бирга бориш яхшилиги.
2. Беморни холис ният билан кўргани борган одамгина савоб олиши. Бошқа иши билан бориб, «беморни кўргани келдим», деса, ниятига яраша бўлиши.
3. Эрталаб бемор кўргани борган одамга кечқурунгача етмиш минг фаришта салавот айтиб туриши.

4. Кечқурун бемор кўргани борган одамга эрталабгача етмиш минг фаришта салавот айтиб туриши.

5. Бемор кўргани борган одамга жаннатдан бир боғ ато қилиниши.

Шунинг учун ҳам таниш-билишларнинг беморлиги ҳақида хабар эшитган одам уларни кўргани боришга шошилиши керак.

**«Ҳадис ва ҳаёт» китоби асосида тайёрланди**